

A autem & de aliis artibus. Si igitur impossibile est huiuscmodi artes habere, nisi quandoque discat, & accipiat: & non habere, nisi amittat aliquando (aut enim obliuiose, aut quadam passione, aut tempore, non enim re corrupta: semper namque est) cum cessauerit, non habebit artem: rursus autem statim adificabit, quomodo accipiens? Et inanimata etiam similiter: nec enim frigidum, neque calidum, neque dulce, nec omnia vellum sensibile erit non sentientibus. Quare Protagoræ opinione accidet eis dicere. Atqui nec sensum aliquid habebit, si non sentiat, aut operetur. Si igitur cæcum est, quod non habet visum, natura tamen aptum, & quædo aptum, & item prout natura aptum est habere, iidem tamen in eodem die cæci, & surdi erunt. Item, si impossibile id est, quod priuatur potentia, quod non sit, impossibile est fieri: quod verò impossibile est fieri; qui dicit esse, aut futurum esse, mentitur. impossibile enim hoc significabat. Vnde illæ orationes, & motum, & generationem perimit. Semper etenim & quod stat, stabit, & quod sedet, sedebit: Si enim federi, non surget: impossibile nāque erit surgere, quod non est possibile surgere. Quod si non est possibile ista dicere, manifestum est, quod potentia. & actus aliud, & aliud est: ille verò orationes idem faciunt, poterit, & actum: propter quod, non parum quiddam querunt perire. Quare contingit possibile quidē esse quiddam, non esse autem, & possibile non esse, esse verò. Similiter in cæteris quoque prædicamentis, quicquā possibile ambulare, non ambulare: & possibile non ambulare, ambulare. Hoc autē possibile est, cui si illius insit actus, cuius potentiam habere dicitur, nihil impossibile erit. Dico autem ut si possibile sedere est, & sedere contingit, huic, si exierit ipsum sedere, nil impossibile erit: & si moueri quicquā, aut mouere, aut stare, aut steti, aut esse, aut fieri, aut non esse, aut non fieri, similiter. Nomen verò actus, qui ad entelechiā annexatur, aduenit etiā in aliis, maximè ex motibus: videatur etenim maximè motus, actus esse. Quare non entibus non attribuunt ipsum moueri, sed alias qualdam predicationes, vixput intelligibilia, & desiderabilia esse, ipsa non entia, non autem mota: hoc autem, quia cum non sint actus, erunt actus, non entium enim, quædam potentia sunt: non autem sunt, quoniam entelechia non sunt.